

საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის სამინისტრო

„ახალი კორონავირუსით (SARS-COV-2) გამოწვეული ინფექციის (COVID-19) შედეგად
მიყენებული ზიანის შემსუბუქების მიზნობრივი სახელმწიფო პროგრამის დამტკიცების
შესახებ“ საქართველოს მთავრობის 2020 წლის 4 მაისის N286 დადგენილების შესრულების
მიზნით საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის მინისტრის №01-213/ო ბრძანებით შექმნილი
უწყებათაშორისი კომისიის შეხვედრა

ქ. თბილისი

2020 წლის 10 ივლისი

ოქმი №10

სხდომის ჩატარების ადგილი - საქართველოს ოკუპირებული ტერიტორიებიდან
დევნილთა, შრომის, ჯანმრთელობისა და სოციალური დაცვის სამინისტრო (შემდგომში
სამინისტრო)

სხდომას უძღვებოდა: თამილა ბარკალაია

ესწრებოდნენ:

კომისიის წევრები: გ. კაკაურიძე; ლ. დგებუაძე; ნ. ჩანადირი; თ. კალანდაძე;
დ. მეტრეველი; ე. მიქაბაძე; ზ. სანიკიძე; გ. ჭავჭავაძე;
გ. ჩილოშვილი

სამუშაო ჯგუფის წევრი: ნ. ველთაური

კომისიის სამდივნო: ლ. კლიმიაშვილი; თ. გვარამაძე

კომისიის შეხვედრის მიზანი - „ახალი კორონავირუსით (SARS-COV-2) გამოწვეული
ინფექციის (COVID-19) შედეგად მიყენებული ზიანის შემსუბუქების მიზნობრივი
სახელმწიფო პროგრამის დამტკიცების შესახებ“ (შემდგომში პროგრამა) საქართველოს
მთავრობის 2020 წლის 4 მაისის N286 დადგენილებით დამტკიცებული პროგრამის მე-2
მუხლის პირველი პუნქტის „ვ“ ქვეპუნქტით გათვალისწინებული პირებისათვის
კომპენსაციის დანიშვნის თაობაზე გადაწყვეტილების მიღება.

განსახილველი საკითხი - პორტალზე დარეგისტრირებულ პირთა განაცხადების განხილვა 155 830 დან - 170 446 -ს ჩათვლით. სამუშაო ჯგუფის მიერ მინიჭებული სტატუსების (დადებითი, უარყოფითი და განსახილველი) მიხედვით.

14 616 რეგისტრირებული პირი ჩაიშალა შემდეგი სტატუსებით, ესენია:

1. არაკომისიური 2 563 (დანართი 1)
2. კომისიური - 12 053 (დანართი 2)
 - 2.1 უარყოფითი - 962
 - 2.2 განსახილველი - 3
 - 2.3 დადებითი - 2 664
 - 2.4 დასაზუსტებელი - 4 972
 - 2.5 აქტიური - 3 452

- დადგენილებაში ცვლილების შეტანის შემდგომ დასაზუსტებელი საკითხები.

მომხსენებელი, ნინო ველთაური - კომისიის სხდომა გახსნა ნ. ველთაურმა და კომისიას მიაწოდა სტატისტიკური ინფორმაცია კომპენსაციის გაცემის თაობაზე. ასევე აღნიშნა, რომ რეგისტრირებული თვითდასაქმებულების რაოდენობის მაჩვენებელი გაიზარდა საზღვარგარეთ თვითდასაქმებულების რეგისტრაციის ხარჯზე.

მომხსენებელმა ხაზი გაუსვა ფაქტს, რომ 26 ივნისიდან რეგისტრირდებიან ის თვითდასაქმებული პირები, რომლებიც მუშაობენ საზღვარგარეთ. კომისიის სხდომის ჩატარების დღის მდგომარეობით, ბაზა არეგისტრირებს ყველა პირს, რომელთა მონაცემები განიხილება და დაიდენტიფიცირდება დადგენილებით განსაზღვრულ კრიტერიუმებით. იმ პირთა საკითხები, რომლებიც ვერ დააკმაყოფილებენ დადგენილ კრიტერიუმებს, განიხილება კომისიაზე.

მომხსენებელმა კომისიას აცნობა, რომ უახლოეს დღეებში სარეგისტრაციო ბაზაში ჩაირთვება სისტემა, რომლის მეშვეობითაც ვეღარ დარეგისტრირდებიან ის პირები, რომლებიც ვერ აკმაყოფილებენ დადგენილებით განსაზღვრულ კრიტერიუმებს, რაც გამოიწვევს უკმაყოფილებას ბენეფიციარებში.

კომისიამ იმსჯელა და მიღებულ იქნა გადაწყვეტილება, რომ ყველას უნდა მიეცეს საშუალება ბაზაში რეგისტრირებისთვის.

მომხსენებელმა კომისიას განსახილველად წარუდგინა ერთი კონკრეტული პირის განაცხადება, რომელსაც რეგისტრაციის დროს წარმოდგენილი ჰქონდა შრომითი ვიზა და საზღვრის კვეთის 6 თვიანი დოკუმენტაცია.

კომისიამ იმსჯელა აღნიშნულ საკითხზე და სამუშაო ჯგუფს დაავალა, რომ მომდევნო სხდომაზე დამატებით წარმოადგინოს მსგავსი შემთხვევები, რათა საბოლოოდ მოხდეს კომისიურად შეთანხმება, რა ტიპის ცვლილებას საჭიროებს #286 დადგენილება. განხილვის

მიზანია კომპენსაციის გარშე არ დარჩნენ ისეთი პირები, რომლებიც ვერ აკმაყოფილებენ საზღვრის კვეთის დადგენილ კრიტერიუმებს და მაგრამ ამავე დროს წარმოდგენილი დოკუმენტაცია ადასტურებს მათ დროებით დასაქმებას საზღვარგარეთ.

რაც შეეხება პროგრამის მე-2 მუხლის პირველი პუნქტის „ვ“ ქვეპუნქტით გათვალისწინებულ პორტალზე დარეგისტრირებულ პირთა განაცხადების განხილვას, მომხსენებელმა კომისიას აცნობა, რომ წარმოდგენილი 14 616 განაცხადიდან პროგრამით განსაზღვრული მოთხოვნების გათვალისწინებით, 2 664 განაცხადებს მიენიჭა „დადებითი“ სტატუსი, ვინაიდან მაძიებლებს დოკუმენტაცია სწორად ჰქონდათ ატვირთული და აკმაყოფილებდა ყველა მოთხოვნას. 962 განმცხადებელს, რომელთაც არ ჰქონდათ იურიდიული პირისგან გაცემული ეკონომიკური საქმიანობის დამადასტურებელი რაიმე სახის დოკუმენტი - მიენიჭა „უარყოფითი“ სტატუსი. სტატუსები განისაზღვრა დადგენილებით გათვალისწინებული მოთხოვნებისა და გასულ კომისიაზე განსაზღვრული კრიტერიუმების შესაბამისად.

კომისია ერთხმად დაეთანხმა სამუშაო ჯგუფის მიერ განაცხადებზე მინიჭებულ სტატუსებს. დასაქმების ხელშეწყობის სააგენტოს დაევალა პროგრამით განსაზღვრულ ვადებში „დადებითი“ სტატუსის მქონე პირების კომპენსაციის ჩარიცხვის უზრუნველყოფა.

მომხსენებელმა ისაუბრა იმ ძირითად მიზეზებზე, რის საფუძველზეც განაცხადებს მიენიჭა „განსახილველი“ სტატუსი. კომისიის მიერ შემუშავდა დამატებითი კრიტერიუმები (დანართი 3). შემუშავებული კრიტერიუმების შესაბამისად, სამუშაო ჯგუფის მიერ განხორციელდება განაცხადების ხელახალი განხილვა და შესაბამისი სტატუსის მინიჭება.

კომისიის გადაწყვეტილებით, დასაზუსტებელ განაცხადებზე განმცხადებლებს ექნებათ შესაძლებლობა დააზუსტონ/დააკორექტირონ მიმაგრებული დოკუმენტაცია, რის თაობაზეც მათ ეცნობებათ ტექსტური შეტყობინებით.

კომისიის გადაწყვეტილებით, სამუშაო ჯგუფს დაევალა განაცხადების იდენტიფიცირება ზემოაღნიშნულის გათვალისწინებით და „დადებითი“ სტატუსის მქონე პირებზე, პროგრამით გათვალისწინებულ ვადებში კომპენსაციების გაცემა, ხოლო შემდგომში განაცხადების განხილვისას, შემუშავებული კრიტერიუმების გათვალისწინება.

მომხსენებელმა კომისიას დამატებით შესათანხმებლად მოახსენა რიგი პრობლემური საკითხები, რაც პროგრამაში ცვლილების შეტანამ გამოიწვია, კონკრეტულად კი, 300 ლარიანი კომპენსაციის მიმღები პირებიცვლილების შემდგომ განისაზღვრა 200 ლარიანი კომპენსაციის მიმღებ პირებად.

მსჯელობის შემდგომ, კომისიამ სამუშაო ჯგუფს დაავალა მორიგ სხდომაზე ზემოაღნიშნულთან დაკავშირებით წარმოადგინოს სტატისტიკური ინფორმაცია, რათა შედგეს საბოლოო შეთანხმება კომპენსაციის მიმღებ პირების განსაზღვრისთვის.

კომისიის თავმჯდომარე



თამილა ბარკალაია

კომისიის თავმჯდომარის მოადგილე



გიორგი კაკაურიძე

კომისიის წევრი



დავით მეტრეველი

კომისიის წევრი



თენგიზ კალანდაძე

კომისიის წევრი



ეკატერინე მიქაშაძე

კომისიის წევრი



ზურაბ სანიკიძე

კომისიის წევრი



ლევან დგებუაძე

კომისიის წევრი



ნიკოლოზ ჩანაძირი

კომისიის წევრი



გიორგი ჭავჭავაძე

კომისიის წევრი



გელა ჩილოშვილი

სამუშაო ჯგუფის სამდივნო



ნინო ველთაური

კომისიის მდივანი



ლიკა კლიმაშვილი

კომისიის მდივანი



თეა გვარამაძე